

燼餘稿詩鈔



977543

序

其汪洋則如海如湖其妍麗則如火如花其脫化則如羚羊香象其騰蹕則陣馬風檣合讀者入乎其中自眩神迷而莫能尋其畔圻此才豈可斗量拜服拜服

道光二十九年五月朔日姻愚弟阮堂拜撰

燈食楊音金




激水二十九年正月晦日即恩波洞呈拜撰

與木豈何年拜我眼特題

蘇軾明初思無盡合齋善人乎其中自與輻輳而莫能尋其畔圻其將何假或前假隨其假強似欲火喚其其假外假欲羊香象其

水



盧餘稿詩鈔目錄

男 聯雲 小龍 春建 校字

上元曹士駿 叔龍甫著 弟 士鶴 季阜 參訂

姪 聯鼎 新甫校對

謹和 先大父題魁星圖原韻 有序

詠古

喜雨謠

登燕子磯和友人原韻

伯兄五十三歲生果兒賦詩誌喜命和卽次原韻

爐食稿詩鈔

道光己亥七月暑雨未闌繼以秋潦適有以江天霖雨圖索題

者走筆書此

種花者將紅綠梅兩種接成一株花開相間各鴛鴦梅

頤被蟲齧

雞籠山懷古

吳縣廣文梅旭莊孺人楊氏割股療姑其孫纘高復割股以療

母吳中士大夫徵詩以揚世德謹撰四章章八句

擬陶淵明讀山海經一首用原韻

題華屏書屋第二圖 有序

題藍一枝師滿城桃李圖

井陘道中

晚渡

乙未春闈報罷南旋紆道赴晉省仲兄孝義官署見贈長律卽

次原韻奉答

苦熱用韓昌黎苦寒韻

晉中山行雜詠絕句十二首

題盧義堂山水小幅

和季弟見贈原韻

題徐稿詩鈔

題許丈鳴九小像 手拈蘭花

感事五首

題書

旅夜不寐

題朱鞠地黃華道人味酒圖 石屏

五十自述

題孫雨村雙好豆關填詞圖

江上遇風感而有作 時春風驟作

題松陰披卷圖

自笑

自傷

自信

都中貢院偶見矮屋墻甍有嘉靖年號感而有作

羣鳥行

送徐梅卿北闈秋試

顏魯公放生池懷古

送李石梧宮保歸里七排

代季弟作

九蟲吟

有小引

燈餘稿詩鈔

題羅翼雲刺史桐陰調鶴圖

余少喜詞章年四五十亦漸悔之雜作一束藏敝篋中弗省也

已酉大水漂沒無存走筆狂歌聊以誌慨

飲酒絕句三首

題李步墀守戎殉節圖

圖凡四頁謹按圖分懸四章章八句

題代州馮垣拱中翰入祀鄉賢冊子

代周景垣方伯作

月當頭日內子命送酒至書齋

耳疾戒酒戲作

耳疾頓愈疊前韻

祝陸立夫制軍六十雙壽五排一百韻

代周景垣方伯作

春雨不止長歌破悶

空園

題林如同拜梅圖

太白樓歌送季弟之姑孰

謔言偶得有序

舟中感懷

江上見紅葉

論書

盤飧稿詩鈔

召伯湖

讀王文成公集

無寐

示兒

寒菜三十韻限十四鹽

盆松吟

自題詩稿絕句十二首

客中至日三首

以硯石壓酒甕歌

夢中得七古一章約客十六句乍醒猶記八句俄感只說棚四
句矣急披衣起坐足成之

感粵西事六首

諫果五排二十韻限一字

遲琴客不至

雪夜望金山

李頭陀歌 有序

輓阮小咸先生

滄徐稿詩鈔

通刊小知夫

通刊小知夫

通刊小知夫

通刊小知夫

通刊小知夫

通刊小知夫

通刊小知夫

通刊小知夫



謹和

先大父題魁星圖原韻有序

圖為 先大父畫贈 韓姑丈介堂先生者神像詩

雄秀目光如電眉毫鬢髮及衣帶間飄飄有凌雲氣右手握紅梅一枝擔於肩左手抱斗斗貯筆與金焉全燈雖裂未損也不知何時流落東城汪家蛟澆友人以他物易之而歸既補綴裝背識其顛末並遵原韻勉和一章惜原作未及刻入且想齋稿中謹先錄之

帝君號文昌掄才陰柄擅神衛肅威儀朱衣趨廣殿座下有魁星
爐餘稿詩鈔

胡爲容相變不冠復不履跳擲如掣電乃爾魑魅形胸中星斗纏
豈同塵世流獸心而人面天下才一石持斗量不眩兼以貯黃金
文章精百鍊始歎賞爲郎恃此獲高選空橐遊帝京徒勞穿鐵硯
嘗聞天榜發神光騰鑣院硃筆點暗中名列春江宴此說雖不經
造化理可見試看罩紅紗主司目早眴我今寫此圖體貌畧平善
不似畫工手丹青汙素絹爛漫紅梅花開放當春先一枝聊相贈
和羹預爲券圖成貽韓子日夕酒脯奠誠感斯神來恍惚相依戀
此爾奪標時方知靈赫炫

我



祖文中龍健輪凌雲擅闡鄉先輩業鍾山書院有五龍入作賦

聲摩空竟阻金華殿龍成進士登賢奇氣鬱方寸吐作煙雲變大

筆濡淋漓褒鄂目如雷當其潑墨時恥被塵緣纏人世妖冶姿何

足開生面冥心入青蒼玉宇瓊樓眩造化補天工媧石不敢鍊突

出斗之魁尋柯超世選丹砂點成筆黃金鑄為硯跣足下天閭跳

舞瀛洲院攀折一枝春為報探花宴古貌醜如此美少胡堪見衣

帶飄罡風凝眸弗顛胸

韓子起衰手我

祖昔稱善曹娥碑題詞幼婦繫黃絹果不負斯圖錦標奪屢先介

燼餘稿詩鈔

堂先生前兩午龍人往圖亦移誰氏操其券淪落近百年完璧歸

仍奠神物賴呵護

祖視同瞻戀靜室闕光芒後人勿輕炫

詠古

千古談治理一張復一弛秦楚虐焰驕救以清泠水黃老與赤松

四皓兼濟美弊或滋神仙政不誇鞭筆休養逮文景刑措良有以

豈無嚴酷才循良輒心鄙天下無冤民流風扇遐軌

紛紛諸詞臣待詔金馬門布衣懷麗藻立致鄉相尊獨有董江都

下帷弗窺園天人陳三策醇厚見道根上沿鄒曾流下導濂洛源

賞識真巨眼。英明策臨軒。豈唯御泛駕。跡此銜殊恩。

梅福挂冠遊。嚴光披裘釣。清風蕩濁流。儵然成絕調。氣節東漢隆。

厥功在名教。墻宇峻以深。衣冠增炳耀。望仙登龍門。勝事傳學校。

徵拜與詔捕。屈伸無異操。吁嗟標榜名。竟得坑儒報。申屠蟠云。戰國處士橫議。

醉有坑儒之

豁達與恢廓。先後同大度。韓彭遭終凶。鄧寇完終譽。豈是雲臺賢。

幸免于收捕。西京驕將功。顛倒在駕御。東京儒將風。保全在禮遇。

要責勲業成。須令庸恥顧。介胄古不拜。後乃鞭笞屢。摧抑既不堪。

安望長城固。

盧餘稿詩鈔

喜雨謠

叢祠荒荒播破鼓。男巫唱歌女巫舞。再拜告神神無怒。瘦猪賣與

屠家煮。一隻雞。一盤黍。再拜獻神神其許。鞭起懶龍澆下土。斷屠

不雨開屠雨。雨如粟。灑場圃。粟如雨。納官府。不怕催租吏如虎。

登燕子磯和友人原韻

石燕凌空起。澄江一剪收。金焦同砥柱。王謝憶風流。天設南朝壘。

潮迎北固秋。夕陽明匹練。滄滌古今愁。

伯兄五十三歲生果兒賦詩誌喜命和卽次原韻

少壯無一長。聯翩舉四子。羣犬難羈縻。累兄增食指。翻羨五旬外。

忽報弄璋喜。歲暮休怨嗟。春回實從此。靚粧於樹老。果彌甘。經霜釀未已。繁衍同本根。椒聊或堪擬。共承

先世澤。積累深足恃。書香綿勿替。培養當奚似。

道光己亥七月暑雨未闌。繼以秋潦。適有以江天霖雨圖索

題者走筆書此

江波蒸雲雲上天。銀河倒挽飛懸泉。平視混茫但一氣。中有神龍出。泓隨蒼烟吁嗟乎。霖雨貴適宜。過優則爲愆。卽今水潦長魚鱉。游高田。江雲漫漫失昏旦。江潮滾滾通市廛。濟旱尤恃濟川具。此中補救須兼權。安得巨浸化平壤。登民衽席無顛連。

爐餘稿詩鈔

四

種花者將紅綠梅兩種接成一株。花開相間名鴛鴦梅。

林下連仙仗。儼隨無端比翼作。連枝紅開碧。靜分春色雪伴風。媒絕世姿。文彩自難諧俗韻。清癯原不爲相思。天桃穠李成癡妬。玉骨珊珊並安時。

管領春風對笑顏。扶持疎影寫斑斑。多情交護冰霜裏。同夢甘栖水石間。掩映縞衣成舞袖。招邀翠羽卽歌鬟。鳳凰池上留佳種。梁孟何妨一共攀。

齒被蟲齧

余年三十餘。齒牙已搖撼。食物愛生脆。觸之輒不敢。片片咀檳榔。

津津說橄欖。生憎蠚有匡。遑問桃口膽。酸齏間餓糧。形鹽雜蒿歎。
眉攢笑不禁。涎流口暫揜。何物么麼蟲。乘剛利于鑿。薄蝕不聞聲。
攻堅倏成窟。洞中別有天。潛形不辭瞞。差爾狡計工。命予喟然感。
負固肆咀齧。編貝成玉糝。聚族居且食。鑽刺味醃醃。朝脫而落窟。
窟宅堪周覽。失其所憑依。爾饑我仍啖。我匪刺膚痛。爾實傾冢慘。
徐徐觀朶頤。豁然舉燕頤。

雞籠山懷古

童山突兀三十丈。周迴十里開蒼蒼。東接覆舟西落星。北臨元武
波如掌。登高曠覽江城隈。南朝遺跡成劫灰。隱約龍蟠與虎踞。斜
燼餘稿詩鈔

五

陽一片埋蒿萊。吁嗟乎江左偏安勢孱弱。文采風流時間作。東晉
以來名士多。聖經賢傳老莊託。餘風漫衍到元嘉。元學儒學紛參
錯。太平粉飾三十年。閭閻誦誦滋浮薄。那知春燕歸巢林。邑里爲
墟氣蕭索。太息空見檀幘投。慷慨不聞祖鞭著。後來禪讓歸齊王。
亦復博學能文章。春秋禮教就館閣。竟陵世胄尤精詳。延攬八友
四學士。鈔錄四部千縹緗。游心墳典侈盛事。轉瞬六貴移朝綱。吁
嗟乎帝王學。豈儒生比殘編不救頽。風靡何况璧月瓊樹歌。祇與
詞臣爭小技。江東王氣黯然收。觀象臺空暮煙紫。龍山極目增古
懷。盪胸好借東流水。

吳縣廣文梅旭莊孺人楊氏割股療姑其孫纘高復割股以

療母吳中士大夫徵詩以揚世德謹撰四章章八句

天迪忠孝篤生一門名臣理學先世克敦勸錫文整肅綱紀垂
型後昆踵武繼起孝婦孝孫

孝婦維何割股療姑深閨夜靜取匕于廚質弱心忍淚乾血濡調

和大藥病軀迺蘇

孝孫維何師厥祖妣兒身親身繫豈敢毀損親末支益兒本體此
義何譬表章允矣

允矣表章鑒於膠庠吳中司鐸實人倫倡風勵教化邦家之光敬

繼徐稿詩鈔

六

告輜軒旌此賢良

擬陶淵明讀山海經一首用原韻

夏氣扇清和生計未全疎晨興理荒徑負耒出蓬廬莖菜卽耕種
安問月令書歸來且閉關戶外無軒車何以破岑叔泛酒嘗園蔬
縱觀宇宙外孰不與化俱未識昆吾鼎聊披神禹圖悠然契懷葛
老農謝不如

題華屏書屋第二圖有序

始丈韓介堂先生曾讀書黃山之華屏書屋山僧吉巖繪
圖以傳題詠甚夥介孫表姪復令畫工作第二圖合前圖

裝為一册屬題率成五古一章

黃峯三十六千崖分脈理。黃溪二十四百川。滙滙湜湜。風吹黃海雲。
頃刻周遐邇。元氣吐復納。歸宿黃山裏。憶昔有哲人。華屏讀書史。
高歌答松竹。空谷遺塵滓。既點詞華淨。亦祛章句鄙。設經資素心。
謂梅抱村先生于載古人起。忻然有所得。舉以授。

先子情親義則嚴。終身敬仰止。於介君膏受業流風未歇絕。文孫

方繼軌。祖視捧髻齡。簣裘思濟美。勵志揚清芬。不隨波靡靡。慚余

疎拙材。勉効他山砥。介孫從賞奇兼析疑。敢與前徽比。水木有本

源。毋忘舊名氏。手澤即心香。圖畫重摹擬。黃溪不改流。黃峯不改

燼。餘稿詩鈔。七

時但取真精神。面目非形似。覆篲懼弗高。有基乃勿毀。汲綆懼弗
深。注茲由挹彼。稽古學殖功。取鑒在山水。靈氣之所鍾。磅礴靡有
已。支分派別餘。循環復其始。記取真形圖。二而一之矣。

題藍一枝師滿城桃李圖

棠舍陰籠絳紗。門墻桃李爛如霞。江南江北春光好。不數河陽

一縣花

藝林擷秀本無偏。三度量才玉尺懸。獨有棣華重。寧附春風隊裏

舞聯。羽南關三科分校蛟與

心香一瓣祝無言。渥澤栽培到後昆。奕葉披圖藍本在。還期濃蔭

謁公門

井陘道中

燕趙雄關石磴連。晉陽門戶鎖雲煙。懸崖壁嵌千家屋。狹路車爭一綫天。馬蹴亂山攢四足。狼窺孤客聳雙肩。淮陰赤幟今何在。遺跡蒼茫付史編。

晚渡

黃雲連大漠。白水帶荒城。野曠月無色。潮歸沙有聲。壯游忘路險。負旅覺身輕。擊楫一長嘯。遙驚滄海鯨。

乙未春闈報罷南旋紆道赴晉省仲兄孝義官署見贈長律

爐餘稿詩鈔

卽次原韻奉答

慷慨辭燕市。倉皇入晉垣。一隅驚小醜。千里肆訛言。都中初聞趙城逆匪之變

甚。神已馳如箭。憂難解以萱。轍迷朝失侶。鈴語夜慚魂。山都次

畫。晦車不能行。同行者介嶺。頻探勝汾河。許湖源。豪情輕鳥道。喜

氣滿鵲原笑。指孤城在愁。看故壘屯。時省兵尙駐趙城相逢過半

世無恙。保同根。與兄別十有六年問訊烏私切。開筵雁序敦。詩常食續。詠

案牘。頗煩而兄吟。詠自若。文不憚。重論恬澹師。彭澤逍遙。紹漆園

循聲騰鶴野。天吏以奸訟息蠅焚嬉戲追疇昔歌吟共幾番。鐘撞

鏗有韻。斧削淨無痕。蠻舍聯觚翰。詞壇列俎樽。升沉隨運會。南北

判聯悍鴻漸纒離渚龍登未得門吹毛徵細類鍛羽滯高齋已斥
蘇秦策言尋上夏村青山堪速駕白雪况吹填小住悲驩併旋歸
定省存高堂資祿養長此答
慈恩

苦熱用韓昌黎苦寒韻

陰陽迭消長調變宜相兼胡乃久不雨乾風煽飛廉內陰而外陽
驕亢匪持謙遂令新插秧焦爍失翠尖村僮飲泥漿一掬如蜜甜
坐畏赤日烈鑠石肌骨矻登身入沸釜抱竿同枯蟾祝融乘朱輪
東嶺纔窺覘發軔逞威虐卓午尤炎炎餘毒肆薄暮夜庭黦露沾
吳質斫月桂汗欲揮刀鏤紫雲熾河漢天女校慵拈突如秦焰酷
爐食稿許鈔

九

燒書俾語箝安得冰雪文深樹披搖蕺飛泉引幽谷竹簟風漪漆
瓜果時一薦澄水濯素練疑神守元牝是日德之潛不如占龍見
海氣捲蒼髯雷電劃崩豁先擊老魃熾然後傾甘醴潤物無洪纖
高田既霑渥低田白涵淹行水亟燒糶如以熱湯燖枯禾淳然起
大有年預占夏畦不告病多手無憎嫌桑槐庇蔭廣鳩逐屋苦
郊原感沛澤焦爛俱安恬喘牛就陰息涸鮒隨流漸青松改舊蹕
碧草迴新瞻是有贊化者和羹理梅鹽冰心託玉壺熱中鄙羣愴
酷吏一以去治邑堪垂簾秋風蕩餘暑爽氣生窮簷虛晶發清肅
蒸溽辭滯黏盈盈溯煙水白露橫蒼蒹美人渺何許贈以青霞檐

頰襟爲我滌一味清涼厭

晉中山行雜詠絕句十二首

萬山盤遶迤突遇白雲止雲開山奔趨車作游龍駛
一鞭指前山不逾七八里紆曲行半日未出此山裏
峭壁陷坎坷強名之曰河深塹絕無水一雨衝盤渦
石骨聳以峭馬蹠擇而蹈閉目忘此身不鑿混沌竅
重崖氣陰森晴天若噴霧五月做羊裘恃爲濟勝具
缺嶺漏日光蔽障旋深藏乘閭薄於險傍車趨兩狼
遙見先行者半空殊可危我躬踐其跡易地忘險巖

爐餘稿詩鈔

十

上阪勿嫌遲跬步皆進境下阪勿貪速一蹶靡所騁
置屋崖巔敞何處旋螺上男女喚雞犬悠然天際想
山頭壘爲田山腹拓爲屋汲井一溉田屋漏水可掬
風氣餘太古破廟僧無扉高樓迎月早老樹得春遲
薄暮抵山店酌酒聊息偃太息行路難崎嶇夢不穩

題盧義堂山水小幅

雲山蒼翠煙樹濃異境杳渺尋仙蹤采藥那知路遠近尋常芝朮
紛紫茸扶筇一笑歸來好家有丹壺春不老醉鄉卽是白雲鄉游
神浩蕩無煩惱醕酌澹墨尤淋漓方寸五嶽爭出奇尺幅直追千

里勢造化靈氣供酣嬉。巖壑訂我欲因之。當臥遊自顧。漸非喬松
儔。但期早畢。向平事。從君遍訪林巒幽。

和季弟見贈原韻

少年意氣傲滄洲。半百光陰逐水流。未必文章疎大古。何妨官局
冷於秋。惱他滑樹全遮目。憶我江雲欲盡頭。聞訊
高堂書細讀。斑衣對影若爲儔。

題許丈鳴九小像手拈蘭花

先生清瘦蒼生肥。平明出門半夜歸。足跡到處生春暉。藥餌米炭
施窮扉。功在里黨世所希。乃復退然不勝衣。采芝不如采蘭。徘徊

盧餘稿詩鈔

十一

前培植流芳。微睡餘香草。勝珠璣。披榛會見葉聲蜚。令嗣星垣茂
才以世醫而
韞文拈花一証。願勿違。忻然微笑。心忘機。人見真樂滿庭闈。那知
憂在羣黎。痲疾痛一體。增歔歔。苦衷探索人非非。分明癥結。窺於
微神醫。再生其庶幾。聯聯生醫卽會行年未苦稀。癯顏早見髭
霜霏。吁嗟乎先生清瘦蒼生肥。

感事五首

滄海無波浪。浮航自昔通。如何鱗介伍。竟爾羽毛豐。兵弄潢池險
嶠。憑絕島雄樓。船資上將忠。信涉鯨宮。

神武奮乾綱

天威擬肅將奸人多挾制小醜遂猖狂卜式財俱括周瑜火不揚
殊非

聖主意祇恐兆民傷

天朝全盛日和議乃嘉謀百萬金錢擲三千鐵弩收羣公誰敵愾

百姓自同仇義勇存鄉曲稷鋤卽劍矛

亦有忠良策其如屏棄何藩籬一毀撤劍佩幾摩挲有隙讒人入

無權醉尉呵貞魂化精衛銜石赴滄波

中土冠裳集何資異域奇毒淫參技巧姦黠紫膏脂閉絕重洋險

供輸九土宜幅隕歌有截威不損邊陲

爐餘稿詩鈔

題畫

黑雲壓山山壓江江氣挾雲噴山不肯降橫風捲雨半空至截斷

水石無許相衝撞吁嗟乎元氣淋漓滿尺幅畫工之筆健獨扛疑

是硯池一滴水呼龍行雨如擘龙游戲毋及太狡獪滌墨醉倒三

百缸何當擲筆澆銀河餘波流入三峽聲淙淙

旅夜不寐

日沉西嶺喜停車一醉難期夢到家絮被蒙頭風有穴葦棚障目

月無華犬嗅深巷迷香柝雞唱荒城亂曉笳豈有旗亭工畫壁五

更窻外尙琵琶

題朱鞠挖黃華道人味酒圖有序

朱齡字鞠挖黃華道人其別號也工書畫家飲

天○有○星○酒○之○精○地○有○泉○酒○之○靈○匪○酒○之○精○乃○文○章○光○焰○之○所○騰○匪
酒○之○靈○乃○翰○墨○波○瀾○之○所○停○卓○哉○道○人○方○寸○之○中○具○五○嶽○真○形○煙
雲○奔○走○於○腕○底○而○不○以○一○技○名○忽○然○擲○筆○向○空○際○自○悔○其○規○撫○萬
類○而○物○態○畢○呈○得○毋○犯○造○化○之○忌○鑿○混○沌○之○竅○以○瓏○玲○不○如○醉○鄉
之○况○宵○宵○冥○冥○雄○偉○不○見○鯤○鵬○么○麼○不○見○螭○虬○還○萬○象○於○太○虛○味
醇○醪○而○不○醒○吞○雲○夢○吸○洞○庭○讀○離○騷○采○芳○馨○不○嚼○梅○花○而○餐○菊○英
此○中○真○味○誰○與○辨○但○見○樽○前○兮○波○綠○籬○外○兮○峯○青

燼餘稿詩鈔

十三

五十自述

幼○小○負○奇○氣○遠○幅○不○暇○修○讀○書○慕○史○漢○下○逮○韓○與○歐○擲○筆○向○雲○霄
有○如○鷹○脫○鞴○拉○雜○不○自○已○野○性○馴○無○絲○毫○訓○豈○不○嚴○縱○之○而○後○收
趨○庭○事○嬉○戲○卽○物○示○名○理○灑○埽○必○有○方○應○對○期○無○詭○作○賦○端○法○程
行○文○釐○正○軌○頭○角○漸○嶄○然○一○博

高堂喜采芹未及冠覺宮逐多士老輩交忘年講說甘且旨謂錢

阮小成任平甫朱九調王建初諸君文酒讌樂長兄弟况伊邇

霜天風木凋羣雁鳴悲寥虛幃一鐙檠曩季園寒宵更深紙窗破
雨雪聲瀟瀟布被絮如鐵煖氣回春詔共期遵遺訓名節勵簞瓢

述德揚清芬。寸草心搖搖。

先後登雲程。世俗徒歆羨。何如逮養時。菽水嘗新薦。餘澤付後人。祇獲雞豚奠。念此結中腸。同懷淚如霰。况復晉與秦。殊方隔鄉縣。祿養資斗升。

慈幃幸安宴。

一朝海氣惡。天塹張夷兵。將相議輸幣。男婦號圍城。老母素羸弱。何堪此震驚。苦心秘消息。調護賴伯兄。鯁生夜擊鼓。氣欲吞長鯨。醉歌奮激烈。伯憂狂疾生。那知狂非疾。不狂而疾成。哀哉伯也。殂蒼天胡不平。

燼餘稿詩鈔

二五

憶余四十時。伯氏年五十。弟奉酒一觴。臨風盡一吸。逾月弟生辰。竇親爲招集。不惜汗霑衣。周旋徧長揖。相顧未云老。忻然樂旣翕。嗟余屆五十。伯氏弃如遺。吞聲不敢哭。恐觸

慈顏悲三載。矢家督門戶。強支持癡聾。雖未習節儉。真堪師香芹。供碧澗。鮮膾屏銀絲。呼僮聊閉門。謝客無委蛇。生徒或進祝。迎送付豚兒。嚮晚一無事。獨酌增吁噓。

同學諸少年。袞袞登承明。否或典郡邑。出入專名城。自顧樗朽質。感時心怛怛。擊楫志慷慨。攬轡思澄清。毛錐有鈺鋒。芒角徒縱橫。世事須摸稜。無爲鐵中錚。

還我舊青氈。儒官差不惡。顧名且思義。能無慚學博。廉恥勵荷期。
馨香飽芸閣。放眼空古今。澄懷契寥廓。念昔先民言。狂狷非偽託。
淵源溯函丈。情以講道親。史佚文詞著。琴仙胡瑗經。義陳竹垞程。
門尤曠蕩。椿海襟度開。陽春相期古。作者摩厲氣。益振頑石蒙。特
賞九席呈。嶙峋世好不能投。垂老徒傷神。知己負先達。從游邀後
塵。

英髦不我弃。握衣時問字。此中有因緣。忘言偶然致。沉潛與高明。
各無矯拂志。文壇相角逐。幾人先拔幟。千里籟雲材。問途於老驥。
光陰擲如梭。鬢毛倏已二。欲踐向平約。其如室家緊。

虛餘稿詩鈔

五

教子無義方。性期謹趨步。娶婦無他求。惟期守寒素。授室及良辰。
詎遂移愛慕。上承

大母懽從姑。能治具。鸞雙拜攬。乃翁值初度。杯酒招荷風。醉吟
傾竹露。清福導祥和。消受羲皇趣。

人生壽幾何。俛仰真蹉跎。憂愁境易促。歡樂日易過。不憂亦不樂。
混沌理則那。所憂匪抑鬱。涕泗胡滂沱。所樂匪荒淫。舞蹈胡婆娑。
百年已過半。繕性須琢磨。老大亟秉燭。少壯戒逝波。魯陽如可作。
爲我一揮戈。

天地驚秋色。暝煙生翠微。孤雲隨雁起。一葉帶蟬飛。掃蕩繁華夢。維持造化機。中宵發高咏。明月入牕扉。

題孫雨村雙紅豆閣填詞圖

舊傳風采重詞壇。紅豆雙拈與未闌。落拓江湖曾載酒。青溪煙月好誰看。

客裏題襟感慨深。不如歸隱契苔岑。焦桐未入中郎聽。空谷悠然

太古音。

悟得霓裳是水聲。琴心久息不平鳴。瓊樓玉宇高寒甚。未及溪橋繞宅橫。雨村新遷復成橋畔

虛餘稱許鈔

六

蘆簾紙閣淨無塵。眉畫雙雙綵筆新。况有鳳雛堪繼美。口傳清淚

和陽春。

五句舉一男頗慧

詞人老去尙翩翩。醉後吟心快欲仙。收拾玉簫兼鐵板。千秋珍重

付瑤編。雙紅豆閣詞初集刊成

愧乏咀宮嚼徵才。敢將梅子頌方回。開函試盟薔薇露。如向冰壺

濯魄來。

神清於月瘦於梅。山字吟肩聳未頽。潘鬢年來霜漸染。多情種子

莫頻栽。雨村清瘦骨立故戲之

戲將綺語更瀟然。鸞鶴應教逸調傳。一幅青山空削色。相思有樹

化雲烟。

江上遇風感而有作 時春闈報罷

自○日○未○落○天○昏○昏○墨○霧○一○片○粘○乾○坤○舟○師○冥○守○危○檣○根○慘○澹○不○聞
人○語○誼○此○時○波○濤○靜○復○靜○盤○空○蓄○勢○控○海○門○闐○然○電○掣○天○大○笑○驚
雷○鑿○開○渾○沌○竅○瘦○蛟○偃○蹇○神○龍○驕○饑○豚○拜○舞○渴○虎○嘯○高○浪○駕○天○如
峰○巒○貝○闕○珠○宮○摻○奧○窈○神○昏○銀○海○眩○搖○疑○是○戴○山○鼉○尾○掉○白○雨
橫○空○截○亂○流○排○山○倒○海○爭○上○游○大○波○小○波○無○鱗○次○水○氣○蒸○雲○雲○倒
浮○錢○王○神○弩○激○而○返○向○景○洪○鐘○撞○不○休○怒○濤○拗○折○作○奇○勢○一○葉○送
入○兼○葭○洲○長○年○努○力○收○蓬○索○水○草○淺○處○投○篙○躍○巨○纜○維○特○仍○撼○搖

爐餘稿詩鈔

七

眾○手○齊○力○渾○無○着○舵○尾○老○婦○吞○哭○聲○何○况○嬰○兒○更○膽○落○但○聞○佛○號
呼○喃○智○勇○俱○困○無○奇○譽○卷○亦○性○命○輕○鴻○毛○澄○心○息○氣○增○謹○恪
更○月○出○天○宇○晶○入○險○出○險○獲○再○生○船○中○蓄○水○挹○之○出○前○港○咫尺○泊
待○明○天○地○瞬○息○變○氣○象○始○知○造○物○無○定○形○嗟○乎○吾○生○豈○無○涯○微○名
何○事○爭○於○蝸○聽○風○聽○水○尋○常○境○霓○裳○天○上○渺○烟○霞○逢○山○將○剝○僚○引
去○欲○渡○苦○海○無○靈○植○乘○風○破○浪○矢○素○志○與○語○不○屑○呼○井○蛙○濟○川○既
無○舟○楫○用○行○當○出○世○尋○丹○砂○朗○吟○洞○庭○突○飛○過○排○空○馭○氣○攜○青○蛇
安○能○乘○危○試○魚○腹○浮○漚○夢○裏○爭○繁○華

題松陰披卷圖

古石枕幽泉。高松蔭空谷。中有大隱人。手搥奇書讀。長嘯起寒濤。碧天風謖謖。

自笑

自笑浮生半百過。元龍豪氣漸銷磨。功名慷慨羞長鍊。身世蒼茫託短蓑。竟讓古人三不朽。轉從兒輩一高歌。醉鄉浩蕩春如海。那信人間有坎坷。

自傷

自傷蹤跡等浮漚。壯不鄰人老曷求。語戒麤豪詩膽怯。座逢駟儉酒腸愁。時流隊裏形吾拙。故紙堆中尚友投。芒角撐胸將渾化。任爐餘稿詩鈔。

人呼馬與呼牛

自信

自信平生總率真。感時歌泣詎無因。學非心得終流俗。文但神來即古人。奮厲每慚金躍冶。輕柔復恥玉爲塵。浮雲變幻知何極。敢逐頽波失此身。

都中貢院偶見矮屋墻。甄有嘉靖年號感而有作。

鑊闈矮屋千萬間。牢籠多士靜以專。三條燭燼月未落。照見字跡

勒古軀。大書特書觚棱起。嘉靖二十有四年。嗟乎文章世運相因

絲渾厚醇樸斯貴焉。嘉靖以降趨奇詭。浮華機巧爭萬端。譬如陶

坏事雕鏤非不炫耀成壯觀本質漸漓神不完現
此觀已逾三百載渾堅方正安如磐淒風苦雨磨又戰閱人多矣
壁上觀誰是不負科名者照耀青史晨星懸有明中葉撐大厦前
有姚江後椒山三楊不盡由甲科五人忠義出市廛其餘少年掇
高第幾輩閣監呼兒乾嗟乎羣材瓦礫雜糞土轉瞬蹂躪俱摧殘
脆薄不堪試磨鍊造物能事窮胸甄起視此觀靜兀兀中宵擲筆
增長歎

羣鳥行

羣鳥同巢待哺。整整羽毛漸滿。羣遷於喬。解兩鳥高飛。一鳥先化。

燼餘稿詩鈔

十七

雛現鰾巢中。一鳥噉噉中夜。解望兩鳥兮。晉與秦啄龍門之桐實。
兮銜黃河之素鱗。巢中一鳥兮。殷薦陳解。兩鳥言還。大水懷山。借
巢一枝。反哺未安。鰾樹弗靜。風聲警鳥。夜啼霜氣。冷欲反哺。泉路
永。鰾泉路永。兮松楸陰羣鳥聚兮。號寒林日薄。無色兮。天沉沉。鰾
先化者在地下。千古承權無盡期。七載遠。顏祇暫捨鰾。

送徐梅卿北闈秋試

公子翩翩地望崇。少年不撥琢磨功。芝蘭臭味虛襟契。珠玉光芒
絲筆融。逸興凌霄瞻斗北。豪情破浪駛江東。蚬陵遙知聲價金

臺重。太史雲書次第紅。

蓬廬白愧擁寒氈。迴望春明意惘然。聽徹霓裳聲是水。夢殘蓉鏡影如煙。敢誇一字分邊笥。且喜諸賢競祖鞭。千里輸君才踈踈。明年此日錦標旋。

顏魯公放生池懷古

秦漢來綠春。羞羞臨江帶。郭羣生嬉。八十一所穿。別派云是乾元放生池。池上穹碑字如斗。魯公手蹟千古垂。憶昔安史殲餘孽。惟公兄弟大節持。三朝舊臣奮忠直。赴湯蹈火甘如飴。授命稟凜有生氣。餘波流澤呈靈奇。汾王能馴蛟龍性。鄴侯善保麋鹿姿。卿擊賊氣如鷹隼。相議事誼若龜其。餘鷓鴣序咸若池。水暈無津。

盧翁稿詩鈔

涯。迄今路過青溪曲。昇州刺史風尚遺。文章氣節照宇宙。豈以煦。嫗。臨。仁。慈。除。惡。祛。邪。生。乃。遂。殺。生。放。生。一。理。推。乎。嗟。乎。海。上。鯨。鯢。肆。吞。噬。安。得。我。公。驅。戮。之。坐。令。善。類。沐。膏。澤。萬。物。含。和。吐。氣。安。恬。

送李石梧宮保歸里七排代季弟作

衡。湘。靈。秀。毓。南。天。綺。歲。蓬。瀛。領。眾。仙。青。眼。掄。才。精。選。造。無。頭。拜。爵。眞。旬。宣。春。明。一。別。金。臺。柳。華。嶽。三。奪。玉。井。蓮。治。譜。早。兼。周。召。績。政。碑。那。數。漢。唐。賢。巡。方。威。懾。羣。奸。壘。嚮。化。人。耕。絕。塞。田。依。戀。羽。儀。私。慶。幸。馳。驅。駑。鈍。受。陶。甄。溫。言。每。如。律。科。拙。底。進。都。忘。奉。職。愆。接。跡。

鳧越方翼。翼關心鳥哺。又卷拳桮榆。歸去銜恩切。旌節移來望。澤
便手版再持瞻。使相肩輿損重笞。微員分憂何補哀。鴻集數。樞空
懷精衛填。活億萬民登。祖席設三千。斨飭樓船。修隄不致舊坊毀。
挽粟仍令新法蠲。險止於中占良坎。誠孚自牖轉坤乾。汾陽雅望
超千古。充國深謀策。藹全錯節正資專。閭竒急流忽讓總。龍權表
陳力疾。

天心鑒石載輕裝。水面牽放鶴。閒尋招鶴侶。出山清證在山泉。非
誇菊徑高風逸。祇慰萱堂愛日延。養志勝求丹汞鼎。承懽補著白
華篇。斑爛龍衮須重織。鏘噦鸞車莫久懸。入贊絲綸欽燮理。出銘

虛餘稿詩鈔

三

金石費雕鐫。仁看穗。瞻雲霞滿。復使葵傾雨露偏。錫類宏仁推海
宇。孝慈歌詠太平年。

○九蟲吟有小引

蟲之類夥矣。吐絲之蠶。釀蜜之蜂。有功於世者。頌且不暇。
敢警之乎。至於蟬。琴。蝶。板。蛙。鼓。蜩。笛。蝓。絡。緯。促。織。之類。頗助
清興。亦無惡焉。若夫蚩。蝎。射。工。諸毒物。人人得而誅之。又
不待聲其罪矣。唯庸。陋。猥。鄙。雖兒童。皆知厭之。而又無大
害者。就耳目之所及。約舉九蟲。隨意比附。率成歌謠。非敢
規撫樂府。以襲舊為翻新。不過觸類託諷。且以自鏡云爾。

蠹書魚筋儒學也

咬○文○嚼○字○迂○且○腐○故○紙○堆○中○事○攻○苦○幾○見○英○華○咀○而○使○糟○粕○吐○神○
仙○兩○字○緣○一○生○在○何○許○君○不○見○割○裂○聖○經○與○賢○傳○前○有○新○葢○後○介○
甫○

排陣蝮肅軍政也

戰○壘○儲○兮○重○糧○輸○兮○行○列○區○兮○疆○場○趨○兮○兒○輩○投○骨○以○為○餌○兮○孰○
使○爾○慕○糴○腥○以○忘○其○軀○兮○

鬧市蠹鄙市閭也

朝○蠹○暮○蠹○蠹○蠹○吸○人○血○養○爾○形○飽○則○重○饑○則○輕○殊○蟻○義○等○蠅○營○無○

盧徐菴詩鈔

三三

本○而○索○利○日○中○市○難○成○宜○其○闒○昧○恣○所○欲○恃○利○背○以○謀○生○朝○蠹○蠹○

暮蠹

撞壁蜚蜚懲躁進也

纒○離○糞○穢○便○思○沖○天○沖○天○須○直○上○橫○撞○殊○可○憐○少○安○且○勿○躁○再○化○

餐風蟬

鑽蠅刺鑽營也

炎○涼○隔○一○紙○道○路○頭○頭○是○視○表○直○如○襄○顧○此○又○失○彼○陽○光○照○處○天○
下○春○豈○必○區○區○私○於○爾○寒○不○耐○兮○熱○不○禁○欲○求○餘○地○迴○頭○耳○

撲燈蛾憫怙寵以亡身也

爾趨炎執炎熱兮爾滅爾覓膏澤膏澤兮爾沒

結網蜘蛛嫉殘害也

經綸唯資搏噬酷羅織羣生果其腹以逸待勞得所欲得所欲兮
雨露承天雨露承天兮礙人彈冠礙人彈冠兮網羅自殘爾不見
五尺童子方持竿

穴竈雞傲貪汙也

呼爾爲馬而無致遠之能竈駱呼爾爲雞而無報曉之鳴闐然媚
竈而私啜乎梧羹梧羹何足惜惡臭汙芳馨旣饜餘瀝莫辭沉溺
濡首燃鬢飽死樂國

燈餘稿詩鈔

黏瓦蝸牛啣不知足也

脂膏本自潤也而又被澤於天門戶本自固也而又進升於巔寄
居儼固有也而又奚其垂涎太陽耀羣陰弔沫不濡縮於竅枯黏
瓦溝苦誰告

題羅翼雲刺史桐陰調鶴圖

治道契淳古恥與俗吏伍唯有靜者心繁劇無拘苦欲知所庇士
視此桐蔭戶欲知所養民視此鶴依主循良不求名公堂卽元圃
石床鞞鳴琴太和釀眉宇

余少喜詞章年四五十亦漸悔之雜作一束藏微麓中弗省

也。已酉大水漂沒無存。走筆狂歌聊以誌慨。

三千餘歲書滿家。卷帙浩瀚無津涯。寒裳偶涉望洋歎。源流徒溯
恒河沙。少年博覽乞涓滴。性靈灑灑資蕩滌。有時滌澗和以沖。有
時澎湃怒而激。情移滄海成連琴。神駭君山老人笛。高歌一室金
石聲。自賞詞源來汨汨。竭來身世忘機心。浮文何事苦浸淫。兩間
名理蘊方寸。泉源隨地堪招尋。靜觀太極本無極。悠然天籟生虛
襟。摹寫風雲月露狀。連篇累牘非所欽。况以儒冠落塵網。黃鐘瓦
釜無殊響。那能煮字療饑寒。會見著書覆盆益送窮。不去文徒工
陋哉。敝帚千金享。已酉夏秋陽侯驕。竹麓傾倒隨流漂。掀然大波

爐餘稿評鈔

三

汨陵谷鼓蕩。蘇海凌韓。潮小言詹。詹何足道。而亦濫被馮夷招。兀
坐中窻。互歎息。結習未完。勞夢憶。曠如隔世。胡可追。口不能言。對
以臆。明知小技。託雕蟲。汙穢楮生。與子墨。蕪詞矧出嬉。戲年投之
濁流。頗亦得獨惜。此事通神明。弱冠柔翰飛。縱橫當其淋漓疾。揮
灑意氣不顧四座。驚中年秃筆。餘瘦硬。見理漸到心。漸乎轉覺少
作雄。且傑。疑有神鬼相扶。擎一旦沉淪。遭浩劫。中懷耿耿。難為情
我作此歌。聊當哭招魂。不歸再三祝。心肝嘔出付東流。精氣得毋
成異族。慎勿化作鱷與鯨。桀鰲之性難馴服。亦勿化作蜃與蛟。光
怪惑人眩俗目。更勿化作鷗與鳧。與波上下相追逐。但願化作池

中龍霖雨徧錫蒼生福不然化作泥中龜尺護藏身聊屈伏收拾
英華還太虛大塊文章無邊幅宇宙何物能長留十二萬年往而
復

飲酒絕句三首

十日不一飲一飲近百杯識得醉鄉趣天地初胚胎
無酒志氣頹有酒精神王走筆驚龍蛇一破拘攣狀
中聖祛羶腥頌德思劉伶清酒如好書疏濬我性靈

題李步墀守戎殉節圖

圖凡四頁謹按圖分題四章章八句

爐餘稿詩鈔

奉調出師

魏魏軍門萬騎雲屯奉命剿寇有飛將軍髮指皆裂誓不顧身一
笑上馬千載良辰

梅溪夜渡

月黑猿啼水齧斷岸魚龍不驚鷺鷥已亂獨木支撐孤軍同歎出
險入險焉知利鈍

衝鋒破敵

千山四馬孤壘重圍奮力斫陣血兩橫飛缺及所指蠻烟為關臣
力竭矣援兵未來

殉節墜崖

崖巔摩天孤標峻節崖址插淵長流碧血鬼雄効靈羣兇斯滅祠
祀千秋將軍不沒

題代州馮垣拱中翰入祀鄉賢冊子代周景垣方伯作

忠孝文章本性真扶持名教賴斯人

九重褒美傳三晉千古綱常繫一身郭氏有碑皆實錄竇家無樹
不長春子楷登雁門遙接尼山脈俎豆同時薦藻蘋

月當頭日內子命送酒至書齋

一丸明月騰青天記取今宵圓復圓舉頭見月不見影嫦娥應笑

燼餘稿詩鈔

人華顛我勸嫦娥且勿笑曾照黑頭少艾年卽今咫尺閨中別鬢
絲各戴霏微雪老去方知結髮情中庭弄影增愁絕幕府梧桐落
滿階蕭齋岑寂寒風冽家僮忽提酒榼來佐以魚炙果數枚曼倩
未能遺細君東坡有婦藏香醅知我狂吟夜深坐舉杯邀月晴空
墜玉山不倒金波翻揮斥浮雲千萬朵酒星直犯廣寒宮吳質偷
嘗澆礪砢醉舞仙斧摩天揚削平人世無坎坷獨留丹桂不忍戕
七寶莊嚴金碧裏三更皎皎澄天心纖翳四捲歸遙岑明珠高揭
無欹斜蛟龍睥睨莫敢侵敬拜嫦娥獻一卮人生美滿長照臨如
此清輝不足恃何況白頭貪苦吟相思後夜定消瘦愛惜光景情

彌深

耳疾戒酒戲作

耳爲身之牖。可聽貴不朽。一旦蔽其聰。何殊掩而走。有聲聲條無。無聲聲條有。織如蝸蟬吟。洪如蒲牢吼。動如絲曳機。靜如繡寒黠。人云火炎上。厥咎在飲酒。戒之十餘日。未見虛能受。塵根洗不清。徒失埽愁帚。我思古豪士。沉冥甘自守。不聞雷霆聲。劉伶壺在手。不聞天子呼。李白杯在口。當其興酣時。曾不辭濡首。況以酒治聾。佳話流傳久。乃緣嬌女癡。媼名疎我。翹生友儼然。阿家翁受戒。一何醜。風月閒空庭。惆悵黃花後。仰視清秋雲。獨醒寡所偶。酒星

燈餘稿詩鈔

闇無光問是天聾否

耳疾頓愈疊前韻

歲暮閉戶。靜坐成枯朽。重聽好避囂。債臺免驚走。家人響卡忙。吉語吾何有。鑿市一出遊。兒輩學獅吼。願宇華燭光。高懸旒與黠。爆竹雜笙歌。飲罷屠蘇酒。兩耳豁然通。千聲翕然受。自信慈火潛。侍婢絕箕帚。何至坎與離。相違不相守。祇此清淨心。直抵霹靂手。高岡有鳳凰。爲我一開口。中澤有鴻雁。爲爾一搔背。關聲判哀樂。莫歎吾衰久。審聽五音和。嚶鳴復求友。但恐聰察過。屢疾亦頗醜。牀蟻鬪如牛。聲喧肘腋後。不如掩兩竅。癡駭師士偶。靜中契天籟。

于人無可忤

祝陸立夫制軍六十雙壽五排一百韻代周景垣方伯作

聖主開元歲良臣篤慶年材儲金鑑輔算衍玉堂仙佳節中和展
端居福祿駢引恬春似海平格壽承天眷顧逾常錫瑰奇自昔傳
荆門疑秀傑漢浦濯明燭橘記探懷墮茶曾辨味煎士衡摛雅錄
子靜矢精研價重兼圻璧聲蜚壘選錢妙齡攀杏苑瑞彩紀花韞
字掩鍾王蹟詩凌李杜篇令狐羞綺靡司馬失雕鐫豈以超英哲
而忘引俊賢寸衷真不負尺度總無愆典慎掄才數源澄得意筌
昆池收箭筈泰阜擷桐梗覽雲霞瀾逞求雨露偏

燼餘稿詩鈔

天

先皇資啟沃醇品特招延諭德非從面許謨用弼肩新猷敷翼翼
舊學勵拳拳寶笈吹藜校琳函起草箋

臨雍瞻

黼座

坡簡拜

經筵炳煥鴻章著鏗鏘虎觀編

賜書飛白暎對

命汗青縣績考崇班貴名題

磨翰鮮文原優武備愛卽寓威權慷慨埋輪徑安排載櫓船直沽

軍肅身橫海力防鱸渤澥猖狂靖閭閻守望連忠肝摩巨斧奸膽
落鳴弦荒島塵氛息窮檐穢濁湧泉纔陳柏府治已洽蒲鞭縱有
羣豪在能毋一凜然民咨需保障

帝曰此蕃宜拓境分周陝營都鞏召燕樹藩爰獻版判簿憲籌邊
綜覈朝忘食勾稽夜廢眠同寅牙帳後旁午羽書前克荷

邦鈞重何疑闡奇專百城馳電轂萬里擁霓旌雄摧銅柱休光

達火泉星輶逾蜀粵日域匪黔滇回部紛爭解蠻方桀驁悛腹心

謀悉裕臂指効尤虔輟被兒童臥轅憑父老牽量移南土鉞勝掌

北關鍵吳越綏柔徧匡廬控制堅握兵雖奮厲游刃却安便轉漕

爐龕稿詩鈔

三九

神京入輸供巨瀆沿裴卿功懋矣蕭相業隆焉既濟滄溟險還矜

絕壑填災黎嗟坎窞廣厦庇峯巔鴻雁螯登席蛟螭跡遁淵汎舟

欣就粟貸釜認歸田蟻聚噉其食鳩扶喜欲顛奉為諸路法代乞

彼蒼砥柱維公植洪波滿署闈要分昏墊痛那忍室廬遷歷劫

消陽尤騰歡訖大千慈忱深煦軀銳志破拘羣獨斷鹹離政更張

汜濫絃卹丁能裕

國潔已遂紆屨小試和羹鼎咸嘗既酒籩幾人操權筦到處謝齋

緣潤下均淪髓懲貪竟止涎怨叢恩並集利舉弊攸捐規畫宜因

地綢繆及濬川抉淤桃渡刷放溜板橋穿江攝三山塹潮迴六代

烟道歸清且直。道協蕩爾平。渥澤涵濡普。濃膏灌溉量。宏施愈博。善萃祉斯全。

今上昭重曜。

丕基奠八埏。

逐麻剛對。

出震。

受祐怡。

乘乾耳順膺。

褒寵肩齊享。曼延東王陳錦帳。西母戴瑤鈿。祥溢台垣。度輝增寶。

虛餘稿詩少。

手

整躔象龍升。驚冕帔鳳耀。魚軒弧悅交。加設疇圖次。第詮織昌將。

擬郭枯槁漫推籤。况是喬歸梓。奚殊藕茁蓮。芝蘭擁藻密。瓜瓞帶。

香絲播芴俱呈象。彈冠許續蟬。麒麟森雋茂。鸞鷲詭芬妍。頌豈工。

諛媚詞原異。巧譏芻蕘邀屢採。葑菲幸頻奉。願奉仁風永。恒符滿。

月圓冲襟通造化。庶物仰陶甄。莠頑皆成穀。猶芳忽變莖。生機含。

蠶絲殺氣泯。鷹鷂定卜。

黃扉贊相期。

紫閣旋繁禧。酌斗純嘏侍。

遊卷宅揆三孤坐。中書廿四銓。旂常銘不朽。嵩華鎮胡騫。晉祝逢。

初吉承流領眾員。步趨隨杖履。職業勉埃涓。咫尺鷓行屬。從容覽
序聯。春觴歌愷悌。挹袂舞躡躑。盛事當摹石。浮華待洗鉛。揄揚多
漏義。愧之筆如椽。

春雨不止長歌破悶

節○過○穀○雨○陰○寒○留○十○日○未○脫○絨○羊○裘○蕭○蕭○齋○厭○聽○風○颼○颼○攪○入○雨○聲○
愁○復○愁○閉○牕○如○坐○井○底○幽○仰○觀○天○宇○張○緇○疇○有○時○晴○光○逗○瓦○溝○亟○
思○出○戶○開○雙○眸○一○白○旋○復○黑○且○稠○頽○雲○壓○倒○百○尺○樓○春○晝○縮○短○宵○
添○籌○裹○衣○欲○枕○擁○寒○稠○靜○念○花○枝○泣○垂○頭○蓓○蕾○未○放○彫○絨○毬○生○香○
活○色○探○無○由○芳○心○付○與○逝○水○流○洗○却○鉛○華○勿○悵○惆○獨○惜○豆○莢○兼○來○

燈餘稿詩鈔

三

舞○高○田○髻○鬢○露○平○疇○低○田○隱○約○成○荒○洲○蔚○蒼○惡○草○厥○維○繇○蒲○柳○喜○
悅○松○柏○憂○欲○覓○陽○石○將○鞭○撻○四○山○烟○霧○增○眩○瞽○憶○昔○江○潮○灌○城○隄○
家○家○檐○霽○噴○珠○旒○終○夜○鏖○戰○千○蛟○蚪○翻○動○坤○軸○龍○挾○轉○雨○勢○捲○潮○
力○更○適○坐○見○閭○里○皆○澗○湫○樹○頂○攢○簇○菱○芰○抽○竹○梢○搖○動○藻○荇○浮○月○
臺○平○做○宿○閑○鷗○煙○突○玲瓏○藏○輕○儵○朱○門○將○軍○沒○堦○鑿○健○兒○翻○身○試○
學○泗○衣○冠○文○弱○迺○裹○餼○爭○趨○高○埠○殘○生○偷○播○遷○蕩○析○夏○徂○秋○父○子○
兄弟○風○馬○牛○居一家獨居水落歸夷猶頽垣敗井餘蝦鱗病疫
死者○如○散○漚○鬼○哭○泥○淖○聲○啾○啾○痛○定○思○痛○奠○厥○攸○陰○威○慘○淡○惟○陽○
侯○間○歲○元○氣○復○未○周○奈○何○露○潦○苦○不○收○上○帝○好○生○逮○蝘○螻○忍○使○中○

澤○民○咸○劉○人○心○陰○險○多○愆○尤○或○干○天○怒○違○天○庥○恒○寒○恒○雨○咎○徵○酬
輿○情○鬱○結○病○弗○瘳○則○聞○粵○西○數○十○州○草○竊○伏○莽○紛○踐○蹂○赤○子○無○知
失○誠○求○饑○寒○性○命○輕○蜂○螫○官○爲○徵○斂○民○爲○凋○斲○釐○釜○鍾○與○豆○區○始
則○辱○之○以○縲○囚○終○則○激○之○成○敵○讐○旣○非○尉○佗○長○羣○酋○亦○無○陳○涉○火
一○篝○不○辨○玉○石○及○薰○蕪○毋○乃○束○溼○肅○以○擎○一○張○一○弛○布○政○優○何○事
諸○路○徵○貔○貅○而○况○大○義○乖○同○舟○意○見○鑿○柄○殊○剛○柔○如○彼○築○室○於○道
謀○士○不○用○命○其○誰○說○勾○當○公○事○盾○與○矛○如○此○堪○咎

宵○旰○不○師○克○在○和○古○有○猷○君○臣○同○德○民○同○仇○恩○流○挾○纘○速○置○郵○如
登○春○臺○無○競○綵○卽○今○愁○霖○廢○鋤○耨○乖○龍○實○貽○上○帝○羞○狂○儒○太○息○天
爐○餽○稿○註○鈔

圭

悠○悠○高○歌○斫○地○揮○吳○鉤○誰○其○和○者○鸛○與○鳩○終○朝○喚○雨○仍○嘲○嘲○酒○澆
磊○魄○高○山○邱○盪○胸○雲○氣○無○時○休○欲○排○闥○闔○阻○且○修○乞○調○玉○燭○慎○金
甌○燮○理○元○化○須○仗○夔○龍○儔○嗚○乎○燮○理○元○化○須○仗○夔○龍○儔

空園

寂○寂○空○園○裏○春○風○自○在○狂○鳥○窺○高○閣○靜○花○笑○主○人○忙○頽○石○欹○池○短
游○絲○拂○逕○長○掩○扉○塵○世○隔○蘭○茝○寫○孤○芳

題林如岡拜梅圖

精○神○冷○澹○骨○清○癯○如○此○仙○姿○曠○代○無○漫○道○微○吟○可○相○狎○一○天○香○雪
下○風○趨

太白樓歌送季弟之姑孰

生不識蓬萊與瀛洲。夢不逐洪崖與浮邱。但願揚眉一吐氣。長嘯
太白之高樓。樓傳幾處。踞名勝。騎鯨遨遊那可定。馭鳳乘往無滯
蹤。青天碧海乘高興。危磯采石凌江光。湖波空濶環丹陽。上有謝
公之山鸞鶴舞。下有溫鄉之渚蛟螭藏。飛出一樓跨縹緲。霓旌霞
蓋影影遮。列於其旁。祇今念謫仙。意氣傾會連。文章游戲寓忠愛。
區區供奉奚有焉。有時酣醉指蟠螭。擊碎玉女之壺投雷鞭。大鵬
不過希有鳥。鍛羽憔悴其誰憐。居停主人得少溫。當塗令尹洵好
賢。如此逸才羈塵網。寄人籬下徒骯髒。側身天地逆旅間。未必尺

盧餘稿詩鈔

一五

地青雲起千丈。一朝捉月翔太虛。賸有危樓矗清敞。余季宦遊經
關中。渭北春樹探峭嶺。返鄉仍被饑驅出。溯流而上江之東。依人
作計最踟促。咫尺破浪乘長風。登高想像釣鼈客。慎勿攢眉蹙額
嗟途窮。荊州賞識自殊衆。惠連詩句應彌工。寄我百篇不厭讀。使
我心胸開拓超樊籠。因之夢遊乘黃鶴。招邀白也高詠騰鴻蒙。

○ 謔言偶得有序

謔言者何寐語也。既非吟詩。又非講學。一夢中言耳。偶得
者。何未得弗強之。既得弗過之。獨得弗私之。同得弗厭之。
無緣起無詮。次無結。兼癡人說夢。烏知其有心得否耶。

太極本無極。渾沌誰爲我。墮地一聲啼。造物分擔荷。精理內融結。大氣外包裹。父母乾與坤。呼吸不相左。並生有榮枯。一似霜林果。同枝異苦甘。天無私許可。苦者每後雕。甘者每先墮。若欲保長生。不食徒繁夥。嗟彼世人太。虛一塵埃。獨有靜者心。空山無古今。一氣觀物我。實理充虛襟。萬類絢爛極。造化力難任。霜霰清以肅。陽和蓄乃深。根莖護幽邃。剝復堪研尋。卦象在天地。龍馬偶呈露。四聖迭推闡。豈遂窮其數。觸類引而伸。道從糞壤寓。一本散萬殊。鬼狐非奇遇。萬殊歸一本。經史皆贅附。先天無竭理。先民無竭趣。化去支離心。象外通神悟。

爐餘稿詩鈔

三

古文出孔壁。光芒垂日星。仲尼贊周易。氣象驅風霆。詩禮與春秋。怒實昭典型。布帛菽粟理。曾無詭異形。聖賢志明確。陳義非宵冥。陋儒索深險。穿鑿開畦町。幽僻文庸鄙。曖昧汨性靈。咄哉莽大夫。太元敢擬經。

我生古人後。古人已不朽。無端論古人。動逞雌黃口。事往心跡微。批駁易好醜。無論時世儼。苦衷未能剖。我如生其時。能如古人否。事過論成敗。毋乃非忠厚。清議萬世公。不在翻窠臼。此筆有鬼神。精誠通尙友。縱不明其寃。奈何蒙以垢。春秋垂謹嚴。願告東坡叟。蒼穹漏風雨。棟宇資幘幪。神州限江海。舟楫資流通。天地所不能。

人事彌縫工所以稱三才鼎立于其中君相迄配庶各効參贊功
寒燠與高下剝復無終窮一氣塞兩間太空實非空暴棄乃自小
么麼成保蟲詩期英良一創平爾而如精也
雨露無私潤視物所自償松柏培其節蒲柳爭其芳禾麥毓其秀
荆棘肆其芒經史無私教視人所自將豪傑練其才庸衆飾其行
聖賢融其理奸邪長其狂天下同室莫與爭也誰能不聞百戰也

先天有靈竅于人曰良知感動非有着寂靜非無爲造次顛沛際
昭晰靡所遺廓清在胷次勲業由此推繫豈無擬議本心鮮越思
白日忽西匿惟賴月與燈月不照闇室燈不照高陵將燈與月併
盞徐稿詩鈔

三

未見輝光增不如暫閉目聊待夜氣澄東方一以白羣陰散不凝
平且此靜坐靈府無炭冰

同具此官骸未能角而翼乃欲逞其狂人羣詛超軼稽古躬稼勞
胼胝傳禹稷饑溺抱歉懷天下視同室莫與爭功能不聞有德色
身世有大防守之以方寸不唯禦外侮亦且弭內變意城高且堅
心兵銳而健禮門閑精嚴義路肅團練豈無徑竇開閉塞絕畔援
蟻穴卽滔天潰敗幾先見一隙早彌縫何敢辭迂鈍

安樂死之兆憂患生之機斯理視乎分逐物無或移分內獲安樂
神動天與隨分外結憂患力殫心愈疲守分無踰閑憂樂各有宜

達人貴知命。方寸忘險夷。
五聲令耳聾。五色令目眩。
閉塞其聰明。難割中情纏。
要識真功脩。須入洪鑪鍊。
至靜守枯寂。一動將生變。
千軍萬馬中。定性於茲見。
清談入元妙。抗志凌烟霄。
豁然若頓悟。神解非不超。
攷以實踐地。殆哉心搖搖。
鑿池不在深。爲幽不在高。
尺波成浩蕩。寸土成嶢峣。
造詣始平易。立足堅且牢。
所以甫田詩。苦口歌莠驕。
疾風動地起。瀕洞生塵埃。
弱植爲之靡。枯株爲之摧。
中流一砥柱。屹立無傾頽。
往來舟欲覆。恃此纜可維。
瞬息風浪靜。觸目礙溯洄。
處危見信任。居安見疑猜。
俗情詎有定。特立終不移。

爐餘稿詩鈔

三

世味醜且豔。沉浸入骨髓。
脫身遁其外。枯槁心如死。
要知靜中趣。天機本賸賸。
素心澹以開。真味無涯涘。
偶觸痛痒心。何傷清靜理。
游魚躍重淵。波瀾未曾起。

指視集虛室。顧盼無稠人。
此中坦以蕩。浩乎絕邊垠。
城府撤障蔽。相遇皆天真。
陋哉瓜李嫌。徒自生荆榛。
有善責人善。無惡攻人惡。
此義貴返身。非指他山錯。
惡人不自量。求疵慣摻捉。
在彼未見厚。於我不爲薄。
曲木剛堅杖。毒草卽良藥。
嘉穀宜糞澆。美錦宜灰濯。
取益苟無方。何論醇與駁。
和風不鳴條。甘雨不破塊。
方寸忘機心。油然此酬對。
炎涼千萬變。

無言闕世態。豈乏鄙夷情。斯人不吾礙。我自抱潔清。彼已慙形穢。大聲而疾呼。安能禁羣吠。

神鬼不見責。中夜覺夢清。詆訾肆衆口。談笑何足驚。西家滌蕩婦。欲敗淑女貞。多方誘不從。譁然毀其名。止謗在無辯。惡用口舌爭。尤須慎末路。一跌失此生。

淵魚察見底。水波有渾時。渚犀燃見幽。火光有盡期。方寸不自見。逐物忘其疲。逆詐億不信。塵障從此滋。中懷坦蕩蕩。千重雲霧披。不當得而得。得即其所失。不當失而失。失即其所得。定準在一心。形跡可勿恤。愚哉塞上翁。乃用互相質。

燼餘稿詩鈔

藝器崇商周。光氣潛以幽。置之清廟上。時宜迥不侔。置之草野間。臭味復不投。土花繡剝蝕。篆銘餘半鈎。法物豈不貴。博雅勞其搆。大烹一以薦。未免折足羞。形殘神不完。奚如缶與甌。奇古不適用。慎勿千金酬。

鄉里稱善人。曲謹擅名美。圭角巧模稜。浮華蓋弁鄙。一博婦孺歡。誰復惡似是。猝臨大利害。虛車不堪恃。獨挾趨避心。讓人為君子。君子為其難。斯人逐波靡。事定安其常。哉態復爾爾。

襪襪者誰子。曳裾貴人門。貴人不得聞。栢坐忘饔飧。幸一接顏色。至客各無言。既未稱知己。亦難言感恩。拂拭大布衣。德義詎不尊。

其中或不足。藉資冕與軒。直道貴自反。勿徒厭塵樊。
人生各有營。彼此交易之。耕夫不愁凍。織婦不歎飢。身居四民首。
翹然邁等夷。不耕而獲食。不織而獲衣。此中無一得。百年等行屍。
顧影愧七尺。虛生空爾爲。

舟中感懷

空江細雨作重陽。秋老汀洲木葉黃。纜解石城凌浩蕩。帆移瓜步
入蒼茫。鷗能愛客頻隨舵。燕不留人已避樯。最是飢驅易飄泊。驚
心兩鬢頓添霜。

燈餘稍許金

足網羅。彈缺馮驩殊齷齪。着鞭祖逖已蹉跎。一聲漁笛驚殘夢。遮
莫惺忪喚奈何。

城上河堤堤外湖。西風故作浪花麤。官衿畫鷁循牆穩。民羨游魚
入肆枯。防險祇憑添竹木。乘危何以靖萑苻。哀鴻徧野餘殘喘。誰
繪當年鄭俠圖。
運河決六閘淮安高寶田廬被淹

又驚保障掣黃流。山嶽崩摧天地愁。沙港竟成京觀築。水衡莫展
大農籌。歌傳瓠子勞

宵旰。劫墮蘆灰阻泳游。願乞雷霆誅首惡。莫教工鯨罪陽侯。
黃河決豐北界連河南山東死者無算有劣員實釀其禍

江上見紅葉

江南紅葉稱栖霞攝山寺各秋老空山叢萬花山中見慣不足奇忽覩

江上紛朱華何人工點造化筆照耀流水艷且奢得無青女嫌慘

澹故作炫爛欺蒼葭富麗如濯蜀川錦鮮明如浣耶溪紗如凌海

嶠拂珊瑚樹如探蓬島流丹砂大江返景散成綺漁火光續斜陽斜

隋苑翦綵遜繁縟錦帆掩映天之涯吁嗟乎渥然丹者爲槁木暫

時嬌艷發枯槎有如酒人暈生臉童顏居然駐仙家北風吹醒面

目改比舊憔悴分外加何如古松鬱蒼翠不枯不榮長此偃蹇蟠

龍蛇

盧餘稿詩鈔

三五

論書

晉法擅一藝儒者以時肄我雖無直傳畧窺其大意上溯鍾張儁
篆籀餘古致唐宋迄元明變法趨詭異獨有晉右軍聖集大成備
天挺神靈皆加以學力遂包括三千年墨池波無際殘瀋乞其餘
已祛俗障蔽想其落筆時曾次無纖累龍鳳矯天門日星毓精粹
剛柔隨屈伸原非逞姿媚史稱骨鯁烈侃侃饒經濟亦猶杜預與
下才節交奮勵乃知觚翰緣名教先樹幟所以顏柳與正直表
素志屹如山岳堅聳如鷹隼鷲筋骨樞右軍猛力破餘地洵是簞
男子善學柳下惠不然孫叔敖可假優孟戲松雪趙王孫蘭亭擬

結字想像晉風流。豈不誇美麗。溫雅秀才官。巧密轉柔脆。不若蘇
米黃。風雨飛縱恣。免致書奴譏。畧具古神味。拔戟翰墨場。偏師成
一隊。

召伯湖

容納江淮漲。全湖萬頃通。浴鳧拖水白。歸雁帶霞紅。澤國魚龍氣。
荒洲蘆荻叢。漁船一星火。明滅晚煙中。

讀王文成公集

事業不從良知起。雜霸權謀而已矣。惟忘功者能建功。此心空明
澹于水。驅除大慾無奇策。緣我性天本無是。撫柔頑苗無奇恩。因

燼餘稿詩鈔

早

彼靈機固應爾。懾服闡豈無奇謀。都掌自不可犯耳。所遇怪異千
萬端。平情因應猶如此。何況學人直捷解。那有安排及摩擬。龍塢
驛至九華山。中間貫徹無終始。磨鍊方寸光復光。出入榮辱與生
死。

無寐

長夜客無寐。羈愁萬斛盈。月殘窻紙闇。風勁寺鐘清。何以傳兒輩。
因之愧我生。寸心灰不盡。起舞趁雞鳴。

示兒

性情疎拙鬢毛衰。處世從來未適宜。壯不如人今老矣。愠于羣小

靜思之錢神熱焰能銷骨酒聖清芬自沁降涼倒光陰休似我春華努力在兒時

方寸休教一念差愛身要使玉無瑕性天忠厚邀諸福心地光明卻衆邪靜可息鬻猿永繫勤能補拙驚頻擲大閑恪守毋踰越縱不興家亦保家

讀聖賢書理貫通益人神智正無窮硜硜實義雕鏐力浩浩虛懷滌蕩功學到思深將月異文從心得不雷同直據平日胸中蘊怪僻膚庸一掃空

家聲弗墜勉維持我愧同胞不遇時乞食陶潛偏責子躬耕王霸爐餘稿詩鈔

詎慚兒室無可法還資構弓不能良且學箕科第雖輕

先澤重訓辭曾共一經遺先子年四十餘棄科舉每日吾留科各與諸兒也

寒菜三十韻限十四鹽

寒氣秋畦滿江南味久馱園丁烟笠課菜甲雨絲露土脈鬆逾活泥痕膩欲黏種勻排算格芽淨點棋匾學圃樊何陋揮鋤管最廉紫蕊花毓秀白箭梗抽尖菜有箭筋絡雲千縷腰探月一鎌摘應供滿把采不止盈簪蟲喙旋如篆羊躡踏豈殲曉擔竹畚及照挂茆檐滌蕩陰陽水摩挲赤白鹽連卷缸貯密塗附甕封嚴綠酒酷初發紅鑪炭乍添齋香頗透出肉食罔攸兼雪盃盛無滓霜刀

割正銛兒拳擊縮縮女手獻纖纖柔脆宜冰箸鼎瑩稱玉籤芳津
流齒頰冷液濺髭髯服此清涼散因之熱惱砭冬烘餐不厭心火
靜無炎消渴嘗偏愈餘醒解更厭茗羹運葉滑畫粥帶根甜辣愛
新薑慘章噉早韭醃芥孫承乏進菌妾掩羞潛好佐尊鄉品原殊
竟陸占小烹參鬪節大嚼遍間闕只合酸儒嗜遠知俗客嫌鹵和
春麵煮乾入夏菹淹澹泊祛邪穢清虛引養恬裁詩酬旨蓄信手
韻同拈

盆松吟

猗嗟青松兮冰雪姿。屈辱几席兮供玩嬉。彼妖冶兮撓花瓷。胡偃

爐餉補詩鈔

里

蹇兮相追隨。謂奇古兮聊從時。主人珍重兮奚疑。老瓦盆兮怪石
歌。妮夏馮兮儷商彝。形容窘迫兮神支離。一伸臂兮束以繞指之鋼
絲。謝主人兮情癡匪媚骨。兮香肌拂琴床兮掩書帷。伴唐花兮空
爾爲。雖斗室兮羈縻。抱本性兮終不移。與使蒼龍戟鱗甲兮攢鬣
鬣。曷若雷雨傾盆兮破壁而高飛。

自題詩稿絕句十二首

記從生小喜歌商舞。踏中庭與激昂。動以天機開渾沌。那知陳德

協柔剛。

七八歲時最喜商頌每跳舞凡榻上背誦不知其意之所在也

敢云弱冠上詞壇。小隊成軍拔幟難。燕子磯頭江似練。居然醮筆

壯波瀾

文宗王勿庵先生考童場古學題有登燕子磯望大江七古一首北坡卷云波瀾若瀾雅與題稱

博愛古人情未專。傍誰門戶結因緣。也知色相難融化。却恥邪魔

外道禪。

巨耐攢眉醋。囊中祇如虛。籟過簫。風自吟。自止。渾無賴。未識雕章。

珠句工。

自愧縱橫雜。霸才亂頭粗。服溷塵埃。枯腸芒角。增奇醜。妒殺名花。

羣玉胎。

投贈王公意氣傾。竟將雅道擅逢迎。嗚嗚祇取自娛悅。絲竹何如

瓦缶聲。

盧余有詩金

三

勇紅刻翠艷情多。一片淫哇濫綺羅。擺脫烟花兒女態。殺風景處

且高歌。

溫柔敦厚古風存。語涉傷時舌未捫。工瞽有箴聊自鏡。原非任意

肆批根。

安能無病強呻吟。身世浮沉感不禁。縱使簪毫逐班馬。敢將靡靡

答知音。

卅載蕪詞待斧削。一朝做麓付波流。陽侯解事工藏拙。漫道蛟龍

索唱酬。詩賦雜作一
來盡被水淹

欽浦先生獨嗜痴。相期著作大方家。主持風雅今誰在。痛哭西州

感歲華程春海師曾以著作相期

詞旨遙深。阮步兵風流宏獎。不勝情茫。無畔岸。勞沿沂。何似中流。

自在行阮小咸有汪洋海潮莫尋畔岸之評

客中至日三首

千歲此佳節。何人愛日長。門闔無復倚。俎豆未遑將。入幕強懼笑。

舉杯增慘傷。布衣徹遊子。弱線不堪量。

離家數百里。難道是天涯。老我歲云暮。感時心孔悲。詩書供僱夢。

骨肉歎差池。遙憶黍糕薦。懽騰小女兒。

一醉百無慮。浩然忘此身。天心無不復。人事竟何因。黯澹乾坤色。

廬徐稿詩鈔

詩

萌芽草木春。靜中聊養拙。歸思莫霑巾。

以硯石壓酒甕歌

女媧補天。石留空青。不占文星。占酒星。鵠之鵠之。醉眼窺長瓶。

中有千秋不涸之洞庭。洞庭春色澄澈。灑怕教漏洩。梨花面封固。

泥丸非不佳。如取如搗。殊未便安置。牀頭無偏頗。覆以端溪半尺。

硯硯。硯硯。硯硯。爾何辜。入不能虛中。居默參廟謨。出不能斫冰草。檄。

分軍符。進不能潤色。鴻業飛毫濡。退不能論譔。太元摻腸枯。徒使。

崑奇磊落。置無用。奚如焚弄瓦。礫區不然。踏天磨刀。割斷紫雲腴。

烟華散布。無時無以之覆。甕胡為乎靜觀。冷面頗自得。坐鎮酒泉。

無愧色。壓倒高隄。無賴徒。那識故侯封。卽墨阮家兄弟。戴如山。劉伶頂禮。頌厥德。若使爛醉歌清平。不借太真手。捧力。抑或濡首作草書。欣看白髮變。成黑端。方厚。重神骨。寒鄰舍。偷嘗不敢。卽滿腹。精華蘊。深醇莫嗟黯。澹無顏色。有時餘瀝。注微凹。結習未忘。聊試筆。揮灑人間。没字碑。十指酒香。尚噴溢。鯁生。一日三撫摩。冷沁雲根。冰玉質。不甘化。作陶家土。靈液熏蒸。那能泐。留此石田。奕世子孫耕。介眉壽。兮薦嘉粟。

夢中得七古一章約畧十六句乍醒猶記八句俄頃只記前

四句矣急披衣起坐足成之

虛食稻詩鈔

星

坡公大有濟勝具。東游滄海乘烟霧。鞭撻六鼈戴蓬萊。丹心不死紅顏駐。竭來人世八百年。海市蜃樓又幾度。騰空長嘯挾飛仙。詩卷釣竿俱不顧。惟有一片真性情。天荒地老無顛仆。性情真處卽風流。杖履瀟然渺何處。似聞呼我白雲中。安得追隨大踏步。清月白霜天高披衣且續夢中句。

感粵西事六首

聖世恩威遠。苗蠻欲並生。羈縻無啟釁。頑蠢亦輸誠。內地藏奸宄。邊陲構甲兵。不蘄根與莠。誰遏亂將萌。化日光天下。深潛鬼蜮蹤。豈真無察識。聊復事包容。一發彌窮谷。

諸軍挫銳鋒。登壇思大將。雌幄建勳庸。
鏖戰偏師勇。其如奔竄何。況依山谷險。從賊士兵多。越境煩徵調。
乘危入網羅。機謀須智畧。慎勿恃矛戈。
神運武鄉侯。溪壑縱復收。心平無險阻。威震乃懷柔。高出良平上。
何論管樂儔。卽今籌五嶺。當與古人謀。
斷藤垂偉績。奕世仰姚江。綏靖無滋擾。安恬已受降。春融聞叱犢。
夜靜不驚龍。興學蠻烟外。居然鄒魯邦。
賈父歌來晚。柳侯碑去思。猺獞雖梗化。威惠要兼施。瘡土夫同覆。
殘黎命不支。羣工承

燈餘稿詩鈔

四六

帝德何以恤瘡痍

諫果五排二十韻限甘字

認作文官果。臺端諫議參。霜皮凌柏府。風骨重筠籃。娥媚紅鹽落。
椒攬樹高人不得上。以鹽塗樹身其實。澄清白水潤。轉圜青入盤。
自落東坡詩所謂紛紛青子落紅鹽也。澄清水潤轉圜青入盤。
補闕翠盈觥。磊砢牽絙納。馨香側席探。攢眉虛以受。瀝膽實無慙。
澀可懲柔滑。酸宜警宴酣。喉乾偏藉潤。口苦漸回甘。啟沃茶經熟。
鍼砭酒味醺。麝臍應悔噬。雞舌漫教含。慎乃珠璣吐。欬哉玉屑談。
津津資玩索。介介惕荒耽。渣滓消磨淨。菁華壓歛圍。幽人貞操得。
君子淡交堪。蘭芷孤芳蘊。芻蕘重任擔。和羹梅並蓄。佳境蔗同甘。

綜核嚴銖兩。摸稜鄙二三。渾融魚骨鯁。本草椒攬治魚骨鯁謝絕風牙貪。天

遣頭如筆。用古弼事人嫌乳遜柑。大真外傳開元末江陵進乳柑伊誰深渴慕。理趣細

研覃。

蓮琴客不至

碧雲松徑開石几。無纖埃。今夜靜復靜。伊人來不來。香猶霏古鼎。花自舞平臺。流水寂無響。空山猿鶴猜。

雪夜望金山

長空一白大江橫。照見金山分外明。瑤島矗天清。欲化玉龍攪水。靜無驚浮圖燈閃微茫影。古寺鐘沉斷續聲。料得鶴巢栖最穩。寥

燈餘稿詩鈔

天東望海雲平

李頭陀歌有序

優伶李氏子。安慶人。髫齡奏伎於汾晉間。一曲登場滿座。傾靡年逾三十。忽然改圖擇主。服役憔悴。勤勞忠於所事。而大邑紀綱之僕。弗屑與偶也。李亦深自晦藏。且喜齋素。遂不與眾共食。一旦披剃受戒。北游五臺。南游普陀。不知

所終

佛門廣大無偏頗。忍辱離垢理不訛。大雄定力在守雌。無論夷塞。皆優婆。妙音妙色空復空。請看今日李頭陀。頭陀生脫水。年少最

丰采一曲紅氍毹。柘枝艷羅綺。明珠纓珞舞天魔。百寶莊嚴大歡
喜。反腰貼地翻蓮花。鎖骨觀音現。彈指梨園風月等閒過。老大傷
心滋懺悔。飄然披剃走空門。潛運智慧祛煩冤。揮手繁華汰五濁。
拔足醅黍澄六根。歌喉圓入梵。唄響舞腰輕。趁袈裟翻蜚轉糞丸。
高潔性藕茁。汙泥清淨因。回首廿年絃管夢。飛行絕迹景中人。北
岳高高南海濶。打包行脚忘飢渴。靈山蘭若梅檀香。悟徹聲聞大
解脫。精舍不戀長者金。昏波漫洗靈童鉢。儻偕鹿女踏花行。結習
未忘紅錦袜。幻身記取化人城。軟語當頭一棒喝。

輓阮小咸先生

爐餘稿詩鈔

吳

孝友蒸爲春滿庭。儒冠不墜老成型。謙沖自爾藏風骨。質慙何嘗
揜性靈。名世文章雙鬢白。傳家事業一瓊青。經師聲望諸侯客。豈
獨鄉閭誦德馨。

牛耳詞壇五十年。一枝江管思飄然。春蠶食葉絲無盡。老樹經霜
花倍妍。才懾馮夷終見嫉。恨銜精衛不能填。先生舊稿
俱被水淹玉樓莫更

摘華藻。謫降人間劇可憐。

那禁中壽慟西河。我亦臬比灑淚多。先生長嗣筆奎從余遊。深沉
警銳甫補博士弟子。逾月應

鄉試與房薦再逾月。歿子能文欣有繼。仲男肇星亦鴻斐偕老
時先生年未五十

樂如何。黃孺人後先
生兩月而卒春風遺韻流棠棣。合弟晉秋
月燦輝照焉蘿

先生於余最是江天淒絕處。山肩高聳唱騷歌。辛亥之秋余就館

爲重姻 行蓋已知 爲承訣也

僧寮詩酒設弧辰。隔歲光陰竟隔塵。青眼高歌排世態。素心幽賞

激天真。庚戌十一月初八日爲先生七十生辰余兄弟三人攜酒

飲邀至僧舍清談竟日余出詩草就正亟蒙數賞次年點

訂見還即先生捐旃檀條罷無遮會。先生曾邀余兄弟小札仍償

縮之前數月也未了因。屬續前半月尚空博頭銜冰樣冷。何須官職溷斯人。

繼餘荷詩金



[Faint bleed-through text from the reverse side of the page, including characters like '山', '水', '天', '地', '人', '心']

跋

叔農夫子之文古文也取史漢韓歐而合爲一治間出入於劉復
愚孫可之兩家而皆獨抒心得成爲光明俊偉之篇卽以登承明
司制誥上比於古作者且不慙何爲僅一第終乎天之厄 夫子
可謂甚矣雖然身不顯而文足傳以視掇巍科稱顯仕當時榮而
沒則已者誠什伯過之也霖學殖淺薄不能窺及津涯而每讀其
文至其蒼莽渾浩處不啻見古人於千百載前以是知傳之必矣
獨慨疾亟時執霖手而告曰余六十年來功名之厄塞家室之艱
難皆無足計惟文集詩篇及雜著關一生心血可以留示後人爾
盍餘稿時文鈔

重刊

爾與兒輩姑爲我藏之毋淪於兵燹也嗟乎 夫子之自知如此
霖之知 夫子又如此敢不謹珍篋笥以待付他日之棗梨乎今
篠龍妹倩昆仲將赴關中並思鐫板行世於其行也舉而歸之猶
記彌留諄囑淚漣漣下也

咸豐八年歲次戊午仲春上澣受業姻愚姪陳慶霖跋於海虞
旅次

余幼與 兄年相若情最親方共稟 庭訓出入無跬步離及

長讀書爲文以 伯仲兩兄長十餘歲故可望不可卽若於 兄

則尙可角勝者而要之 兄天資卓犖 先君子愛之 兩長

兄畏之余固莫能望其項背也 兄爲成童時才氣過人朋輩無

與敵中年以後益肆力於史漢及唐宋大家之文故下筆洋洋灑

灑縱橫而莫可測其制藝歛才就範一以天崇及 國初諸老爲

宗無時下氣習一切詩古文詞亦皆本源深厚各擅勝場人以爲

他日著作承明不愧大手筆乃自壬午登副車越十年壬辰始膺

鄉薦七上公車僅於甲辰歲挑得二等又十年始攝儀徵學篆遭

亂流離卒常熟三年始選授蕭縣訓導身後方于悲恨何極今檢

其遺稿大半皆少時書院及鄉會應試之作余親見其援筆而成

幸小農姪輩尙能於顛沛中敬謹收藏俾出諸煨燼之餘而不沒

也刊成展讀猶憶昔年燈火連牀切劘濡染親愛光景如在目前

而今已杳不可得矣撫卷三歎爲之泣然

藏豐十年八月上浣弟士鶴謹跋於樂城官署

限尚百成相善而要之 兄天資卓犖 先君子愛之 兩長

兄畏之余固莫能望其項背也 兄爲成童時才氣過人朋輩無

與敵中年以後益肆力於史漢及唐宋大家之文故下筆洋洋灑

灑縱橫而莫可測其制藝歛才就範一以天崇及 國初諸老爲

150



957

天